

حلقة 82 - تربية القلوب على مقتضى الايمان - برنامج التبيان) قبل الثورة) - الشيخ حازم صلاح أبو إسماعيل

حازم صلاح أبو إسماعيل

ان شاء الله الامل القادم بقدر الله يعني سيأتي قدره للناس ينشئ الملحمة فيجتمع لها من اعد نفسه الاخلاص والرضا ان شاء الله بسم الله الرحمن الرحيم. الحمد لله رب العالمين - [00:00:00](#)

واشهد ان لا اله الا الله وحده لا شريك له واشهد ان سيدنا محمدا عبد الله ورسوله. اللهم صل وسلم وبارك عليه وعلى اله وصحابه ومن دعا بدعوته. واستن بسنته واهتدى بهداه الى يوم الدين - [00:00:19](#)

اللهم ربي اني لما انزلت الي من خير فقير اللهم علمنا ما ينفعنا وانفعنا بما علمتنا وزدنا علما واسلك لنا بهذا العلم طريقا الى الجنة فاجعله حجة لنا لا علينا برحمتك يا ارحم الراحمين. اللهم واجعل عملنا كله خالصا لوجهك الكريم - [00:00:39](#)

ولا تجعل لاحد سواك فيه شيئا. وارزقنا صدق النية واخلاص العمل. واجعلنا برحمتك من الصادقين انت ولىنا فاغفر لنا وارحمنا وانت ارحم الراحمين. ايها الاحبة الكرام السلام عليكم ورحمة الله وبركاته - [00:01:04](#)

واسأل الله عز وجل ان يجمعني واياكم على صدق الحب فيه وعلى صدق الموالة فيه والا ينزغ الشيطان بيننا وبين المسلمين ابدا وان يجعلنا على الجادة حتى نلقاك يا ارحم الراحمين. نسال - [00:01:24](#)

الله ان يأخذ بايدينا اليه اخذ الكرام عليه. وان يزيدنا من الدين والا ينقصنا. اللهم انا نعوذ بك من مضلات ذات الفتن ما ظهر منها وما بطن. اللهم انا نعوذ بك من مضلات الفتن ما ظهر منها وما بطن - [00:01:43](#)

اللهم يا مقلب القلوب والابصار ثبت قلوبنا على دينك. اللهم يا مصرف القلوب والابصار صرف قلوبنا الى طاعتك وخذ بايدينا اليك اخذ الكرام عليك يا ارحم الراحمين. ايها الاخوة انتم تعرفون تعرفون جيدا - [00:02:03](#)

تعرفون تماما كم يشتكي المسلمون الى الدعاة والى الوعاظ والى العلماء والى اهل الدين. من الامور التي تدخل فتنال من دينهم وتنقص منه وتجعلهم يخافون يخافون من ان الدين منهم ياتي انسان يقول وقلبه يقطر وتشعر بانه في منتهى الوجد والخوف -

[00:02:27](#)

ايوا والقلق على حاله يشكو من الخوف من الكبر. من الخوف من انه يتكبر. من الخوف من العجب من من انه معجب بنفسه. بالخوف من الرياء ويأتي اخر مثلا تجد انه قلق من انه غضوب تائر هائج وانه لا يملك نفسه عند - [00:02:59](#)

الغضب وانه يسرع في غضبه وانه قد يظلم وانه يسرع في حكمه. ويأتي انسان يقول انا بخيل انا اريد ان اكرم اريد ان اتصدق اريد ان اجعل بيني وبين النار وقاية والله عز وجل قد شرع لنا في - [00:03:27](#)

دينه ان اتقوا الله النار ولو بشق تمره صعب علي ان اتصدق اشعر بانني شحيح واني بخيل واني لا اؤدي ما علي من حقوق. ويأتي اخر ويأتي ثالث ويأتي رابع وتجد ان الناس - [00:03:47](#)

فعلا ونحن منهم نخشى على قلوبنا وعلى ديننا من تقلبات تجعل القلوب والقلب القلب قلب. تجعل الدين كانه يتفلت انسان مثلا يشتكي من انه طمعان يقول يا اخي انا يعني انا اعلم كل شيء تقولونه في دين الله ولكني والله ما ان ارى انسانا من - [00:04:05](#)

الناس معه شيء في يده الا واشعر ان قلبي يأكلني اكلان في قلبي اني اتطلع لهذا الشيء اني اريد ما مع هذا الشخص اني متعلق بما معه. لا استطيع ان اكف قلبي. تقولون ان - [00:04:35](#)

غنى النفس انا اشعر ان نفسي في غاية الفقر. واني لو وجدت انسانا يمسك مفتاح سيارة في في ميدالية وفي سلسلة مفاتيح اشعر كأن قلبي ينخلع من مكانه. يعني ويأتي يعني ربما يقول لك بل اشعر - [00:04:55](#)

اني حسود واني حقوق يا الله! هؤلاء هم من هم؟ هؤلاء الذين تعرفوا على احوالهم يعني انسان يراقب احواله فوجد هذا وهو صادق في انه يريد ان يخرج منه. لكن خلونا صادقين يا اخوة - [00:05:15](#)

معظم الناس ايضا معظم المسلمين ايضا فيهم هذه الادواء ومش واخدين بالهم. يعني اللي كلمتكم عنهم هو انسان ربما شهد او او

سمع او حضر مجالس علم وادرك ثم نظر الى نفسه في لحظة - [00:05:35](#)

توفيق من الله وفقه الله ان ينظر في خصاله واصله قليل منا من يفعل هذا بالعكس الكيس هو الذي تشغله عيوبه عن النظر في عيوب

الناس. فالانسان احيانا اذا من الله عليه - [00:05:56](#)

واستمع مثلا او قرأ شيئا او فالتفت ونظر في نفسه وفتش فيها فوجد هذه العيوب ده هدي الى ان يعرف لكن معظم المسلمين ربما آآ

كلمة معتادة في العائلات يقول لك الحمد لله احنا عيلة كويسة جدا. يعني احنا مش زي الناس احنا اعلى احنا غير الناس احنا ربنا

كارمنا يشوف فينا كذا وكذا. وهو - [00:06:14](#)

ولا يرى بل يرى ربما يرى انه يعني فيه انسان يعتد بنفسه يعتد بكل شيء وتفصيلا في نفسه. فتشعر انه لا يرى ما فيه

من قبح. انما هذا - [00:06:41](#)

الانسان الذي اكتشف قال انا مثلا هلوع انا اصاب بالجزع بالهلع اي حاجة صغيرة مصيبة بسيطة او بسيطة تصيبني بالفزع فورا. يعني

ويأتي اخر يقول انا مش بس جزوع وهلوع - [00:06:58](#)

فانا عدم الاطمئنان لا ينيمي. هذه امور موجودة. والقلب هذه هذا الكائن الصغير الخلق تأتيه يشوف كم شيء انا قلته امواج امواج

امواج من هذه المفاصد توشك ان تقتلع الدين. امواج من هذه المفاصد والمصيبة الكبيرة ان - [00:07:18](#)

هذه المفاصد تقاس باوزان صغيرة جدا. انا لا انسى اول مرة ذهبت فيها الى الحل الصانغ الذي يبيع الذهب. فوجئت بان الميزان يضع

عليه شيئا صغيرا جدا وزنه قليل جدا. فاذا بمؤشر الميزان يتحرك حركة كبيرة. الله! ده انا عند البقال باشوف الحركة دي لما يحط

كيس - [00:07:44](#)

كيلو اتنين كيلو انما وجدت ان الميزان حساس لدرجة انه بالوزن القليل يتحرك كثيرا اخيرا نطاقه كبير. طب امال انا فين بقى من من

من وزني المعامل الكيميائية الفيزيائية التي قد تزن شيئا صغيرا جدا. ويكون المؤشر واضحا. لذلك - [00:08:14](#)

ازنوا هذه الاشياء التي ذكرتها بالذرة. يقول الله تبارك وتعالى يقول آآ النبي صلى الله عليه وسلم لا يدخلن ادخلوا الجنة من كان في

قلبه مثقال ذرة من كبر. طب انا اجيب منين - [00:08:44](#)

اوزن ذرة دخلت على القلب ذرة من معنى من هذه معاني التي ذكرتها فتأخذ القلب بحيث يستحيل عليه ان يدخل الجنة يستحيل

عليه ان يدخل الجنة بسبب وزن بسيط الى هذه الدرجة. اذا نحن نتكلم عن امر في منتهى الخطورة. والحقيقة ايها الاخوة -

[00:09:03](#)

حتى يكون الامر واضحا لاني والله انا اتكلم مع الذين اسأل الله عز وجل مع الذين يريدون ان يصدقوا اتقوا الله يريدون ان يصدقوا

الله في ان يغيروا في ان يصلحوا هذه القلوب في ان يسلموها يجعلوها - [00:09:31](#)

اقلبا سليما يوم لا يفلح من اتى الله يوم القيامة يوم لا ينفع مال ولا بنون الا من اتى الله بقلب سليم. بقلب سليم. فانا اتحدث مع الذين

يفتشون عن سلامة - [00:09:51](#)

قلوب وعن اصلاحها وعن اخراج الضغن منها. النبي عليه الصلاة والسلام يجعلنا نسأل الله ان يسئل سخيمة قلوبنا ان يسلس الدخن من

هذه القلوب. فالمشكلة يا اخوة ان هذه المسائل ما هو بقى انا ممكن اجيب كتاب واحب ان افعل هذا. واكتب الباب الاول علاج

البخل والباب الثاني علاج - [00:10:11](#)

ابن واد العين باب الثالث علاج الكبر الباب الرابع علاج آآ وهكذا بل انه يعني عندي انا مخطوطة كنت كتبتها يمكن من من من

عشرين سنة ولسه محتاج انما يعني سبحان الله جيد لكن انتم متصورين - [00:10:41](#)

ان هذا الكلام هو اللي يصلح هذه الامراض؟ لا يمكن. هذه الامراض انا اسألکم من اين بتأتي منين بتيجي؟ من اين تعتري القلب؟ منين امواج نازلة على القلب ردم ردم؟ تردمه ردم - [00:11:02](#)

من اين من اين؟ اه اسمعوا يا اخوة هذه من الامور النيرة التي جاءنا بها الاسلام لو القينا السمع ونحن شهداء ان في ذلك لذكرى مش لكل حد ليست مبذولة لكل الناس. الذكرى الذكرى ليست مبذولة لكل الناس - [00:11:22](#)

ان في ذلك لذكرى لمن كان له قلب او القى السمع وهو شهيد. وهو هنا مش وهو غائب ولو هو لاهي ولا هو منشغل ولا وهو منين من اين تأتي هذه الامور؟ ايوه يا اخوة - [00:11:46](#)

تأتي من امراض امراض مجمعة توجد في القلب انت عارف المرض المرض الذي يكون عند الانسان فيسخن. يصاب بسخونة وانسان اخر او نفس المرض نفس المرض يظهر في صورة بقع على الجلد والعياذ بالله - [00:12:06](#)

ونفس المرض يكون له مثلا قيء. الله! يبقى قيء وسخونة وبقع على الجلد طفح. كل هذا اعراض لمرض واحد انا لما بذهب الى الطبيب لا يعالج العرض الاول مستقلا والعرض الثاني مستقلا والعرض الثالث مستقلا والعرض الرابع مستقلا - [00:12:29](#)

ويبقى انا بادوخ وعندي صداع وعندي لا قدر الله مغص وعندي طفح وعندي يقعد بقى خمس ست يقول لي اما المشكلة الاولى فعلاجها خد الشيء الفلاني والثانية والثالثة لأ الطبيب يرجع كل - [00:12:51](#)

معى الله يكرمك وركز يرجعوا كل هذه الاعراض الى المرض يقول ايوه الذي تسبب في السبع اعراض اللي عندك دول مرض اسمه كذا فخذ علاج لهذا المرض اذا رويت المرض - [00:13:11](#)

تزول الاعراض كلها طيب انا تعبان من بعض الاعراض ما فيش مانع لا مانع ان يعطيني كمادات باردة للسخونة ان يعطيني دهان للطفح ولكن في النهاية العلاج هو ان يعالج المرض الداء فتزول الاعراض. طب احنا بنكلم نفسنا وعندنا كما قلت - [00:13:29](#)

كبر وفزع وجزع وهلع وبخل غضب وثورة وسوء ظن وتطفل وطمع هذه اعراض اعراض فما ينفعش اني اتكلم في كتاب انا اكرر اني انا شخصيا اريد ان افعل هذا بل فعلته ولم - [00:13:52](#)

يصدر طبعا ولا شيء لكن انا بتكلم بصفة عامة آآ يعني حتى لا يظن اني انتقد الكتب التي تتحدث عن هذا وانما فقط اقول انا لن اتكلم عن اعراض واترك المرض - [00:14:13](#)

المرض طب ايه هو المرض الامراض يا اخوة التي تظهر هذه المفاصد القلبية امراض تكون موجودة في القلب ولذلك لما تيجي تصلح الاخلاق ما ينفعش تقول والله فلان انا بكذب عايز ابقى صادق اقوم اصلح لك الكذب لوحده. الكذب يعني. انا مثلا اريد ان اتعلم الامانة - [00:14:28](#)

لوحدها اريد ان اتعلم وانا عارف ان الكلام ده صار محفوظا عني كم ظللت اقله في المسجد عبرا اه اه حوالي اربع سنوات كنت اتكلم عن اركاني الشخصية الاسلامية فانا عارف انه صار محفوظا ان هذه - [00:14:55](#)

اخلاق سبب فسادها اصول موجودة في القلب. وسبب صلاحها اصول موجودة في القلب. الاصول القلبية للاخلاق هي التي تجعل الاخلاق سيئة او جيدة. الاصول النفسية القلبية الموجودة في القلب زي ايه - [00:15:15](#)

يعني مثلا على سبيل المثال الاول اقول لك حاجة برضو خلي بالك اني احاول ان اكون بطيئا في تفهيم الفكرة لاني اؤسس لهذه الفكرة في قلوب تريد ان تسلك الى الله - [00:15:35](#)

تريد ان تتجه الى الله تريد ان تصدق. انا لا احب ابدأ ان تأخذوا هذا الكلام على انه موعظة اعظ بها قلوبا وان كنت احب الموعظة. ولكني اريد ان اؤصل لقلوب تريد ان تسلك الى الله. لما ييجي واحد - [00:15:49](#)

لا قدر الله يعني عنده مسلا ذراعه ايده دي كلها سليمة لكن عنده مساحة قليلة جدا حصل فيها حرق. التهاب التهابت فلو انه امسك عود كبريت ولا الم ولا حتى باصبعه. قلم او عود كبريت او باصبعه فمر هكذا على ذراعه من فوق - [00:16:09](#)

ما فيش اي مشكلة انما بمجرد ان يمر على مكان الحرق او التهاب يصرخ يصرخ لا يطيق ان يمر اصبعه مفتاح على مكان الالتهاب.

ويفضل ماشي بالمفتاح حتى يصل الى مكان اللتهاب - [00:16:34](#)

ويصرخ. القلب بيكون فيه التهاب لما تيجي تدوس على هذا اللتهاب يصرخ. الصراخ ده هو سوء الخلق الصراخ ده ازاي واحد ما يهموش نفسه ما يهموش وضعه ده راجل لابس هلاهيل واقف في الشارع - [00:16:54](#)

بيشحت بيشتغل تحت ما يهموش مستعد امام كل انسان كبير يقول له يا باشا ويا بيه وحضرتك ويا فندم لا يهم وضعه لكن يهمه المال. فلما تيجي تدوس على الفلوس يغضب - [00:17:18](#)

تيجي بقى تقول لي انا اتكلم عن علاج الغضب؟ طب ما تعلق اتكلم عن علاج حب المال. فهو لما عندما ديس له له اما انداس له لما حد داس له على النقطة الملهبة صرخ. فالغضب جاء لوجود شيه في القلب وهو يقدره - [00:17:37](#)

بالذات حب المال حب الشهوات حب حتى بلاش الكلام ده. حب الغير ابنه طعامه نومه راحتته ولو شيه بسيط ولو انه يحب شينا بسيطا تلاقي واحد شاري سيارة جديدة. لما كانت عنده العربية اللي متخبطة من - [00:17:57](#)

كل مكان لما واحد يكسر عليه كده ويحك في سيارته يقول له ما يعني كده يقول له معلىش ما يجراش حاجة بس خلي بالك انما لما يشتري السيارة الجديدة موديل السنة - [00:18:22](#)

ويمشي بها واحد بس يعني شوية غبار تلاقيه انتفض غضبا. ليه ايه اللي حصل؟ ها؟ انداس له انداس له على الشيه اللي كبر في قلبه العربية القديمة ما كانت كلها مخبطة - [00:18:37](#)

وكلها تعبانة. وكلها تجريح. فيعني هي جت من ان واحد وهو ماشي حصل كذا. انما لما جت العربية الجديدة قبل ما تدخل الجراج دخلت قلبه بقى يبص للون الميتاليك واللامع والموديل وفخامتها مقارنة بالسيارات ووضعها وو - [00:18:55](#)

فدخلت قلبه قبل ما تدخل الجراج. فلما ولد خارج من المدرسة حتى يخبط فيها بشنطة المدرسة. تلاقيه ولع. هو ولع ليه لانه جاءت على حب المال. او على حب او على حب الابناء. يحب ولده فلا يطيق. اقول لك - [00:19:15](#)

حب التميز بس ان هو عايز يبقى رقم واحد. انه ان يعني انه انا آآ كنت انا متعين مدير مكتب فلان الفلاني الان ادارة المكتب كبرت فعين مدير مكتب للشئون الادارية ومدير مكتب اخر لشئون الفنية ومدير مكتب ثالث للشئون الاجتماعية - [00:19:35](#)

بقينا ثلاث مديرين اشعر باني اتمزق لاني بعد ان كنت منفردا باختصار حب المال والجاه والشهوات هذه الامراض تسكن القلب يظهر فيها بقى. يظهر الغضب مسلا والثورة الهائجة انت بتكلمني كده ليه؟ ازاي تكلمني كده؟ انت مش عارف انا مين - [00:19:57](#)

ازاي تجرؤ ان تحل نفسك محلي كيف تجرؤ ده كل ده واحد شايف نفسه يعني تذوق نفسه حاسس بنفسه فلما تذوق نفسه وجد ان واحد بيكلمه عادي كده زيه زي الباقيين. حصل له هياج في النقطة دي. او ان - [00:20:21](#)

زوجته انفقت من المال وهو حريص جدا على المال. او ان واحدا قال على ابنه قال الواد ده مش عارف ايه ما له فيقول له ايه طب ما اشوف ابنك. وتجد الله طب احنا بنتكلم عن عن احنا بنتخانق. اذا ايها الاخوة - [00:20:44](#)

السبب في مفاسد الاخلاق السبب في مفاسد الاخلاق جذور قلبية استقرت في القلب فالتهب فلما يمر. بس اللتهاب ده مش دائما يظهر في صورة غضب. ده ممكن يظهر في صورة - [00:21:03](#)

آآ لعاب سايل طمع الله تبارك وتعالى يقول آآ عن الذي اراد الله ان يرفعه باياته واتلوا عليه النبأ الذي اتيناه اياتنا اتيناه فانسلخ منها فاتبعه الشيطان فكان من الغاوين. ولو شئنا لرفعناه بها لارتفعت اخلاقه وارتفعت خصاله - [00:21:18](#)

رفعت مشاعره وارتفعت احساسه وارتفعت درجاته يوم القيامة لرفعناه بها ولكنة اخلد الى الارض واتبعها هواه فمثله كمثل الكلب لعابه سائل على طول كمثل الكلب ان تحمل عليه يلهث او تتركه يلهث ربما لا لعابة للكلب - [00:21:46](#)

ربما له لعاب ربما آآ اسف مش لا لعاب الكلب ربما يجري ربما يجلس ربما لكن الكلب آآ الكلب آآ يلهث من شدة على طول يلهث بصرف النزر له لعاب ليس له لعاب. انما يلهث باستمرار بلا توقف - [00:22:06](#)

بيجري يلهف قاعد ساحر مرتاح يلهف فالطمع احيانا بمجرد ان ترى شيئا جهاز تليفون في ايد واحد يبقى للتهاب ظهر مش في صورة خوف ولا فزع ولا في صورة غضب ولا ثورة ولا انما في صورة طمع. انسان قاعد عينه هتطلع. ما هو عينه هتطلع دي هي الترجمة -

جمل بلدي لقول الله عز وجل او لمعنى في قول الله عز وجل آآ لا تمدن عينيك لا تمدن عينيك ما تخليش عينك ضاربة في حاجات الناس. وانما نعف عند المسألة وعند المطمع. اذا - [00:22:55](#)

تظهر في صورة غضب تظهر في صورة طمع تظهر في صورة تجسس تظهر بقى اللتهاب في صورة غيبة يا سلام فلان اه ده ده اللي انا نفسي انتقم منه ومش قادر. انتقم منه - [00:23:16](#)

طيب جت سيرته ذكر شوف انا بقولها ازاى ذكر فرصة اني اجلده بلساني ها السنة حداد حاد اشحة على الخير نازلين باللسان الحاد. ليه؟ لان اللتهاب هنا ظهر في سورة الغيبة لما شعرت بالحب الانتقام ويبغض الاخرين. لذلك ايها الاخوة نحن نعلم - [00:23:32](#)

ان التربية القلبية سامعين يا اخوة التربية القلبية هي الاساس لانقاذ ديننا. ولاصلاح اخلاقكم ولسلوك الطريق الى ربنا اصلاح القلوب تربية القلوب. اني اربي ولذلك لا توجد لا توجد عبادة من العبادات ولا عبادة واحدة صلاة زكاة صوم حج جهاد ذكر قرآن آآ -

قيام ليل آآ حتى البر ما فيش عبادة الا وترتبط بالقلب من ناحيتين. من ناحية اللي جاي ومن ناحية اللي رايح يعني ايه؟ يعني من ناحية السبب ومن ناحية النتيجة - [00:24:35](#)

من ناحية المؤثر ومن ناحية الاثر يعني انا علشان مسلا الصيام انتم لسة خارجين من الصيام. التي صامت وقلها غير انه يكف عن الغيبة قلبها بايز فسدان. فقال النبي عليه الصلاة والسلام فيما روي عنه هاتان افطرتا - [00:24:51](#)

افطرتا على ما حرمه الله. كالوا الغيبة المحرمة وصامتا عما احل الله يبقى الصيام علشان تعرف تصوم انتم عارفين القصة بتاعة البنيتين دول البنيتين دول ما عرفوش يكملوا يوم الصيام - [00:25:16](#)

الراجل راح يقول له لقد اوشكت المرأتان على الهلاك. مش عارفين يصوموا قال له طبعاً قلوب فاسدة بالشكل ده هيبقى لكي اصوم لابد من قلب نظيف فاذا صمت اذا بالقلب كتب عليكم الصيام لعلكم تتقون - [00:25:34](#)

يعني لازم قلبي نظيف عشان اصوم. والصيام بيخلي القلب نظيف. لازم لكي اصلي لكي علشان اعرف اصلي صبح ظهر عصر مغرب عشاء. وما بطلشي الله تعالى بيقول عن الصلاة بيقول على فكرة الصلاة دي كبيرة - [00:25:56](#)

صعبة الا على الخاشعين وانها لكبيرة الا على الخاشعين. يبقى لازم القلب تعلم الخشوع الاول علشان يعرف يصوم عشان يعرف يصلي فاذا صلى وجد ان قلبه اصبح واعظا داخله. لتختب قلوبهم. قال ان الصلاة - [00:26:15](#)

تنهى قلبيا عن الفحشاء والمنكر تلاقي القلب مش عارف اقع في فحشاء ولا منكر. وكل العبادات بهذه الصورة. يعني لو انا لا اريد ان افصل تفصيلا لان الوقت مهما كان محدود الحج على سبيل المثال - [00:26:40](#)

انا علشان اروح احج محتاج قلبي الاول فاذا ذهبت الى الحج اذا بالقلب اذا بالحج يوجد لي قلبا يعني انا علشان اروح احج يقول الله تبارك وتعالى مثلا ايه؟ وتزودوا فان خير الزاد التقوى - [00:26:57](#)

التقوى اتزود بالتقوى واتطهر من من التبعات والديون عشان اعرف اروح احج فاذا ذهبت يقول لي الله عز وجل ولكن يناله التقوى منكم في شعائر الحج يقول لن ينال الله لحومها ولا دماؤها مش لما تدبح الهدي مسلا - [00:27:15](#)

اللحمة هتروح عند ربنا ولا الدم لا ولكن تناولوا تقوى نفسها تقوى الانسان تصل اليه. فيبقى انا محتاج التقوى لاحج. والحج يأتي بالتقوى. شف بقى انا يعني انا لو اخذتكم - [00:27:38](#)

الجهاد في سبيل الله لكي تدخل الى الجهاد لازم خشوع القلب. لازم اذكروا اذا لقيتم فئة فائبتوا واذكروا الله كثيرا يعني ما تخشش الجهاد متفتون بالتدريب ولا بالسلاح ولا بالذراع ولا ولا وانما تدخل الجهاد بقلب - [00:27:54](#)

النظيف فاذا ما جاهدت الله تعالى يقول آآ عن الجهاد ولما يعلم الله الذين جاهدوا منكم ويتخذ منكم شهداء. يعني القلب والذي يتخذ الله منه الشهداء والمجاهدين بسبب الجهاد يخشع ويخبت. عايزين عبادة ايه؟ انا قلت لكم الحج والصيام والصلاة - [00:28:14](#)

الزكاة الزكاة ركن الاسلام هو واحد يقدر يدفع زكاة اللي وقلبه انا كل عبادة قلت لكم قلبه قلبها وقلبه بعدها. قبل الزكاة القلب قبلها

قبلها الله تبارك وتعالى يقول والذين يؤتون ما اتوا وهو بيدفع كده الفلوس والذين يؤتون ما اتوا وقلوبهم وجلة انهم الى ربهم -

[00:28:35](#)

مراجعون خايفين من ربنا. فاذا دفع المال ها اصبح ايه قد افلح من ايه من تزكى وذكر اسم ربه فصلى يقول الله تعالى خذ من

اموالهم صدقة تطهرهم وتزكيتهم بها - [00:29:02](#)

يبقى انا داخل الزكاة بقلب والا ما ينفعش ده ده اللي يدخل الزكاة بغير قلب يتبعون ما انفقوا بالمن والاذى ويتبعون صدقاتهم بالمن

والاذى دول اهل النار ودي من علامات النفاق - [00:29:22](#)

فانا علشان اتزكى لازم قلب صالح قبلها. ولما تزكيت ادت الزكاة الى قلب صالح. شوفوا يا اخوة لا يوجد اسمعوا يا اخوانا حياة الناس

اللي انتم شايفينها دي مش انتم شايفين حياة الناس مجرد صورة لما في قلوبهم. بس. انت عارف - [00:29:36](#)

مكنة التصوير اللي يحطوا فيها الفيلم ويسلطوها على الشاشة ويشغل المكنة. المكنة قد كده بيطلع منها يعني آآ مثل الدرهم. زي

الجنيه الفضة ولا العشرة ساغ الفضة ولا غيره. عدسة. لكن الشاشة - [00:30:00](#)

تعرض ما في هذا الفيلم حياة الناس اخلاق مش اخلاق بقى غضب ولا حلم طمع ولا قناعة آآ صدق ولا كذب آآ كل ده عبارة عن

الخيالات لما في قلوبهم - [00:30:18](#)

حياة الناس وانا كررت هذه المسألة كثيرا لحد ما بقيت يعني آآ اخرج من ذكرها مرة ثانية لاخواني اللي كنا يعني في المساجد آآ من

كثرة ما كررتها لكن ده الواقع انه حياة الناس - [00:30:39](#)

عبارة عن ايه اللي في قلبه ولذلك اذا انصلحت القلوب تجد حياة الناس تتغير لانها مجرد انعكاس للقلب مجرد انعكاس لما في القلب

فقط هو انا النهاردة لو جيت ووضعت مصباح كده مصباح كشاف حطيته كده وحطيت ايدي قصاده كده. بهذه الصورة - [00:30:57](#)

انظر الى الحائط ستجد يدي كبيرة والا اصابع كبيرة لانه الكشاف لكن اليد صغيرة اصلا في حجمها الطبيعي. نفس مسألة القلب فيه فيه

اخلاق الناس وتصرفاتهم وسلوكياتهم عندما يتصرفون ترى الوقائع ما هي والله يشهد - [00:31:21](#)

واحفظوا هذا الكلام يا اخوة. ده كلام غالي. لا ما في حياة الناس مجرد ترجمة وانعكاس للي هم اما للي في قلوبهم اللي هم عليه اللي

هم عارف الاكتئاب اللي عند الناس والقلق عارف اللي ماسك والعياذ بالله سيجارة وقاعد ينفخ الدخان هذا الكلام قلبه وداخل -

[00:31:44](#)

في معركة لم تطمئن قلوبهم لا بذكر الله ولا يعرفون الله والذين لا يأتون بالبأس الا قليلا ولا يذكرون الله الا قليلا مسألة ولذلك بقول لكم

اهوت ليكون واضحا وانتم عارفين انا ما بتعاملش في كلماتنا سويا مع الناس اللي لسه وهم قاعدين في ايديهم الريموت كترول -

[00:32:08](#)

دول ناس ربنا يجزيتهم خير ويوفقهم يشوفوا انما انا بتكلم مع من يريد ان يسلك الى الله السبيل. مع من يريد ان يبلغ اللي لما يعني

اللي يروح سايب هذه الاداة ويحاول ان ياخذ طريقه الى الله. انا بقول لكم اهو ما ينفعش لانه شعب - [00:32:33](#)

بين الناس التغيير المادي ان انا مسلا عندي كذب اقوم اتكلف خلق الصدق. ان انا عندي بخل اقوم اتكلف خلق الكرم ان انا عندي طمع

معهم اتكلف خلق القناعة وفي كتب كبيرة ومن ضمنها الكتاب العظيم يعني مع مع ما هو معروف طبعا عنه لكن - [00:32:53](#)

كتاب الامام ابو حامد الغزالي لما تكلم في احياء علوم الدين رياضة النفوس انه عارف هذا ولا بأس من اتخاذه لكن ده دي ده لاصلاح

خمسة في المية اثنين في المية ثلاثة في المية بالكثير - [00:33:13](#)

انما خمسة وتسعين في المية من الاصلاح ان تصلح المرض حتى ينعكس على الاعراض. لذلك ايها الاخوة التربية قلبية كما اقول ولا

ولا اريد لحضراتكم ان تأخذوا من هذا الكلام - [00:33:31](#)

يعني خلوه على حقيقته فعلا انه ما ينفعش تقعد تصلح حاجة حاجة بهذه الصورة دون ان تتجه الى القلب. ولقد ضربت المثل من قبل

بشيء خطير خطير الغضب انتم فاكرين ان الغضبان ده - [00:33:49](#)

ده الغضبان ده تفاعل كيميائي خطير جدا الغضب شف واحد غضبان عضوا بشدة من من شخص الغضبان له قدرة عليه. غضبان من

ابنه مسلا. غضبان من زوجته بس اذا كان يقدر عليها. ده فيه ناس انما غضبان من من مرؤوسه - [00:34:08](#)
الموزف اللي عنده غلط تجد ان الغضب قد جعله هائجا ثائرا طب تعال بقى واحد غضبان برضه. غضبان برضه. غضب شديد. بس من
رئيسه او غضبان من حد اعلى منه ملك او رئيس او او قائد شرطة او يعني قائده في الجيش - [00:34:30](#)
تجد ان الغضب سبحانه الله لا يترجم لا الى ثورة ولا الى هياج الله امل ايه تلاقيه وشه يزرق ويحمر وينكمد ويبقى كظيم. وتحس ان
الدم احمر ثم ازرقه حق ثم الوجه اسود ثم ليه؟ لانه غضب - [00:34:57](#)

مع ايه بقى مع خوف مع جبن او مع آآ طمع فيما عند هذا الشخص انا غضبان منه بس ده يعني آآ ولي نعمتي في في ظنه الفاسد
يعني فيبقى الخلطة بتاعة الغضب مع المرض الثاني مع المرض الثالث اخدت - [00:35:18](#)
صورة مختلفة. وقد يغضب الانسان من شخص لا قيمة له فلا يحدث الغضب عنده ثورة. سبحانه الله! شايف عجائب القلوب! الغضب
تلاقيه لا يعمل ثورة ولا يعمل ان وشه شوط كمد ولا اتزنق ولا اتزنت ولا الحاجات اللي بيقولوها دي. وانما عادي ولا كانه حاسس
بحاجة. ليه - [00:35:37](#)

لانه سليم قلبيا؟ لأ لانه عنده احتقار لهذا الشخص لانه الشخص ده بالنسبة له هو مش شايفه اصلا فمش كبر عادي ده كبر شديد. يا
خبر ابيض يبقى خلطة الغضب مع الكبر غير الغضب مع انا بضرب لكم مجرد مثال. الخطأ الغضب مع الكبر غير الغضب مع العجز -
[00:36:02](#)

غير الغضب مع القدرة والتجبر والتسلط. يا دي المصيبة! ده الانسان حالته حالة! ايوة يا اخوة! التربية القلبية هي وانتم عارفين ان
احنا في لقاءنا الاسبوعي هذا في لقاء اليوم الاثنين الاسبوعي هذا لقاء انه هذا بند مهم - [00:36:27](#)
جدا جدا جدا. من بنودنا التي نسير عليها في كل اسبوع اللي هي التربية القلبية. للمسلم كيف يخرج من كيف يعالجها والسؤال
الان ومش هجاوب وانا هأجل الاجابة بتاعته الى آآ يعني الى الى مرة قادمة ان شاء الله - [00:36:47](#)
السؤال الان هو التربية القلبية دي بتحصل ازاي؟ المؤثر الاكبر عليها ايه هو؟ بيحصل ازاي اقدر اعمل تربية قلبية؟ طب لماذا انا هكذا؟
فعلا لماذا عندي طمع؟ لماذا عندي جزم - [00:37:07](#)

لماذا عندي هلع؟ لماذا عندي كبر؟ لماذا غضب؟ لماذا لماذا؟ لماذا؟ لماذا عندي احتقار للناس؟ لماذا عندي اعجاب بالنفس. لماذا؟ لماذا؟
منين جاية؟ اصلحها منين؟ طبعا هذا ان شاء الله - [00:37:25](#)
في الاسبوع القادم اجيب ونسير في يعني معه شيئا فشيئا في تربية القلوب. واحنا بادئين من من فترة طويلة في هذه المسألة مسألة
تربية القلوب بحيث ان الصادقين الصادق في الرغبة الى الله - [00:37:42](#)

رغبة اليك والعمل. الصادق في الرغبة الى الله عز وجل. الذي يريد فعلا ان يجد طريق يجد الطريق هذا هو ما نريده وما نبتغيه ان
شاء الله وان كان الانسان ضعيف ولا ادري ان كنا نقدر او لا نقدر او اهل او لسنا باهل. لكن - [00:38:02](#)
وقرب نحاول ان نقرب من ان نقرب لعل القلوب تصح ولعل النفوس تنقوا ويصير النقاء مسيطرا على نفوسنا شائعا فيها ولعل انوار
النفوس تشرق. ولعلنا نقبل على الله عز وجل. فهذا ان اراد الله - [00:38:25](#)

وتعالى ما سنسير عليه والله المستعان. ايها الاخوة عندي بعض المسائل اولا رسالة كريمة اوجهها الى فضيلة الاستاذ الكبير العالم
والداعية الدكتور عبدالرحمن البر اسأل الله ان يجزيه خيرا وان يرفع قدره وان يعزه يا رب العالمين. وان آآ يمتعنا بعافيته الكاملة -
[00:38:45](#)

يا رب العالمين. لكن عندي بعض المسائل الحقيقة ايوة الهامة اولا اولا اه مسألة الازمة اللي حصلت في امريكا ثم في العالم في
الناحية المالية وانهارت على اثرها البنوك بنوك انا حتى مش عارف دلوقتي المفتي وشيخ الازهر بيذكروا ازاي في فتواهم بعد ما
الاسس التي اسسوا عليها فتواهم - [00:39:12](#)

يعني بتتكلم كده عن البنوك واصله ما عرفش دلوقتي بيقولوا ايه بعد هذا الانهيار البنكي الضخم على مستوى العالم ونتيجة هذه الربا
نتيجة الربا. لكن انا الان آآ عايز اقول لحضراتكم بعض النقاط في الربا علشان - [00:39:49](#)

انا عارف ان في ناس كثير بيشتغلوا في بنوك وناس كثير مشكلتهم في البيت التعامل في البنوك ومشكلة تكون بين الزوج والزوجة بين اب وابن ونحط الفلوس ولا نشيلها؟ الاسلام يا اخوة لا يقبل - [00:40:09](#)

بالكذب فمن الكذب الربا. ازاى نمو زائف غير حقيقي في الاموال فعلا واحد ادى واحد الف جنيهه الراجل خد الالف جنيهه راح تاجر بهم ما شاء الله كسب ربحية جنيهه. الالف كسبوا ربحية - [00:40:23](#)

بيروح واحد منهم ميت جنيهه يعطيهم لصاحب المال اللي هو اقترض منه الالف جنيهه وياخد هو تلتमित جنيهه. طيب كويس نفترض هي مش كويس ولا حاجة انما افترض اني كويس - [00:40:43](#)

هو مش كويس عشان ما حدش احسن انا عارف كويس خدوا التلتमित جنيهه دي ارباحي وشغلي واديت مية جنيهه للراجل عدالة يا اخي انا اشتغلت خدت ربحي وهو اعطاني المال خد ربحه - [00:40:59](#)

لكن في الفرض الثاني انا باخد منه الالف جنيهه واروح اشتغل بهم فبدل مكسب حصلت مشكلة خسرت بلاش خسرت ما جبتش مكسب حتى. الالف رجعوا الف. او الالف رجعوا تسعمية. لكن انا لاني مرتبط بربا - [00:41:13](#)

بارجع ميت جنيهه لصاحب المال باقول له اتفضل الالف جنيهه بتاعة حضرتك وفوقهم المية جنيهه الفايده الربوية. ده كذب ولا صدق ده خراب ده كذب لان انا لما كسبتش ميت جنيهه في الحقيقة ولا ربحية ولا كسبت حاجة ده انا خسرت. فانا خسرت واكسبته. يبقى ده كذب - [00:41:32](#)

فاللي بيحصل ايه؟ ان دي زيادة غير حقيقية. وزادت في فقر انسان وفي خرابه وفي خسارته الله لا يرضى بهذا لا يرضى انه يبقى هذا وفضلوا بقى الجماعة اللي طلوعوا وخلوا بالكم اننا نحذر دائما من الفتوى التي تكون تالية - [00:41:55](#)

للسلطة ما ينفعش الفتوى لابد ان تكون فتوى حرة يصدرها الحر وانت كمسلم من العوام مسؤول يوم القيامة انه من اخذت منه الفتوى هل كان متجردا للحق يقول بالحق الحق اذا علمه ام كان هناك مؤثر عليه - [00:42:16](#)

لذلك انا لما اعطيت الميت جنيهه للراجل ورجع فرحان جدا وربحان وكل شيء. في الحقيقة انا خسرت بس بدل ما اخسر مية جنيهه خسرت متين لاني دفعت له الفايده الربوية وهو كسب بقى ده كلام - [00:42:37](#)

لذلك الاسلام يقيم المعاملات الاقتصادية والمالية بين الناس على ايه؟ على انه لقي انا كتفي في كتفك. انا بحبك وتحبني انا احرص عليك وتحرص علي. انما في الربا والله ده حصل في دولة من الدول في الفراه - [00:42:55](#)

في الدجاج اظن سمعتم عنها الفراه في سنة من السنين كان في بنوك بتقرض الفلاح تقول له خد خمس تلاف جنيهه ثلاث تلاف جنيهه عشان تعمل مشروع دواجن تجيب فراه وتربيههم ويبقى فيه بيض ويبقى فيه لحم وفيه وتكسب - [00:43:13](#)

نفس البنك الذي اقرض الفلاح عشان يكسب من المشروعات الدواجن جت له معونة فراه ببلاش من هولندا هولندا عايزة تضرب صناعة الفراه في البلد الدجاج في هذه البلد. فما الذي حدث - [00:43:33](#)

اخذ البنك هذا الدجاج ووزعه بقى يبيعه عشان البنك يكسب. الله! طب الفلاحين اللي اللي مقترضين منك ده انت ضربت صناعة الدجاج يقول لك انا ما لي انا راجل راهن بيوت وراهن غيطان وراهن انا ما يهمنيش - [00:43:51](#)

انا المهم ان انا في ميزانيتي اخر السنة كسبت من صفقة الفراه الهولندي. وكسبت من الفوايد اللي انا مقرض بها الفلاحين. فخربوا بيت الناس بالربا بالربا الربا يقوم على ان المصالح مختلفة. انا اقرضتك ما ليش دعوة تروح تكسب تخسر تطلع تنزل انا ما ليش انا في الاخر لي - [00:44:07](#)

سيدتي يا رب يحصل لك اللي يحصل لك. انما في النظام الاسلامي يحدث تعاضد يحدث تعاضد يحدث اه اه تكاتف تكاتف في بلاد اتخربت نتيجة بيع الديون بيع الديون تعالي يا بلد يا فلانية. انت لك مبلغ كم - [00:44:32](#)

عند البلد دي يقول له انا عندي مسلا مليار. طب ما هو مليار بس ضايع تاخذ نص مليار وابقى انا صاحب الحق اشتري الدين بيقول لك ما فيش مانع تاخذ انت هذا الدين تشتريه اما لسلطة تستطيع ان تقتضي بها الدين. واما - [00:44:56](#)

لحيلة واما واما لانك اشتريت رخيص وبعته. يعني حدث تظالم بين الناس الاسلام لا يعرف هذا. ولذلك تقوم نظم الاسلام البنكية

الله هو الرزاق. انت بتجيب متين جنيه غصب عن ربنا. بالعافية بلي الذراع هل ده ينفع المسلم يقوله طب خدت المتين جنيه والله لم ياذن لك الله اذن لك بهذا؟ لكم بهذا؟ ام على الله تفترون - [00:50:20](#)

خدت المتين جنيه الزيادة لأ هاتهم هاتهم بقى مرض هاتهم سرقة حد سرقت يعني هاتهم آ محفل البركة هاتهم ضياع هاتهم هاتهم هاتهم نقصان هاتهم مصيبة هاتهم اي شيء. انما لا يمكن المتين جنيه دول يأتروا معك. هاتهم اكتئاب وانتحار - [00:50:40](#)

مصيبة في في الاموال وفي في البيوت هاتهم هاتهم. لان ربنا هو الرزاق بس البنك ما بيزودلكش. انت عملت كده ليزيد ما لك والله لم ياذن لك هياخدكم هياخدكم. لذلك الربا يا اخوة متعهد بالماء يحق الله - [00:51:02](#)

الله الربا شوف كم تعبير يحق الله الربا. يحقه ويقول الله عز وجل فاذنوا بحرب يا رب يحق حرب مين يقدر؟ في حد يقدر يقف على ولذلك الربا مجرد الكاتب بس اللي بيكتب في خانة ها - [00:51:20](#)

اللي قاعد بيكتب في الخانة خانة كده تمنمية اربعة وعشرين جنيه خمسة وسبعين قرش هذا الشخص داخل في الحديث الذي يقول لعن الله الربا اكله اكله اللي بيستلم فايده ومؤكله اللي بيدفعها وكاتبه - [00:51:42](#)

وشاهديه وقال هم سواء. كله زي بعضه. كله شركاء في الجريمة كل شركاء في الجريمة. لذلك احنا بس مع الاسف الشديد كنا منتظرين لما امريكا اهي ربع قوتها الاقتصادية انكست - [00:52:10](#)

والمانيا وفرنسا عاملين قمة علشان يتكلموا هنعمل ايه ده الازمة وصلت ومصر كل يوم اجتماعات علشان تداعيات لفض شيك شوية تداعيات الازمة على البلد والخليج البورصات دي نقص واحد في المية وده المؤشر زاد النهاردة وقطر فوق والكويت حصل كزا وقاعدين يتكلموا عن النهاردة المؤشر تلاقي مسلا يقول لك - [00:52:27](#)

قطر واحد ونص في المية فوق الكويت واحد في المية تحت. بكرة بقى يبقى حصل ايه بقى؟ ومين بيضخ؟ الله طب ما اذا احنا وجدنا اهوت في حياتنا يعني المسألة اه اه بهذه الصورة موجودة ولذلك انا برضو - [00:52:53](#)

يعني يهمني اقول يا اخوة ان الذي حرم الربا هو الذي حرم الزنا. هو الذي حرم الخمر. هو الذي حرم ترك الصلاة هو الله هو الله. ما ينفعش واحد يسير على الربا وهو يرى هذا كله. وارجو ان يتبين لنا ان هناك فارق كبير جدا - [00:53:10](#)

بين فتوى العالم الحر حتى وان اخطأ لكن دون مؤثر عليه وبين شوفوا يا اخوة زي في هلال رمضان وشوال كده. اللي بيفسد الفتاوى اللي هو هلال رمضان وشوال مشكلة فقهاء - [00:53:32](#)

انه النهاردة آ عيد الفطر كان هنا يوم الاثنين وهنا يوم الثلاثاء وهنا يوم الاربع في في كده في الدنيا لكن ده موجود دي مش مشكلة فقهاء. امال انتم عايزيني اموت عقول الفقهاء والحيوية الذهنية عندهم في الاستنباط وفي الاراء؟ لا دي - [00:53:49](#)

مشكلة المختص بتحديد ما الذي يطبق؟ السلطة السياسية انه يقعدوا ما هو معروف ما المجامع الفقهية اتخذت قرار من زمان واتخذت رأيا واوصت بوصايا لكن الفاضل انه الشخص ياخذ بهذه الوصايا. لو اخذت السلطة السياسية الاسلامية لانحسنت المسألة انما خلي الفقهاء يتفقوا بدل المرة مليون مرة - [00:54:07](#)

لكن الملك ده هياخد غير الرئيس ده غير السلطان ده غير ده خلاص هتفضل الدنيا كده بل احنا شفنا في بلاد الغرب في كندا على سبيل المثال او في امريكا او في اوروبا تلاقي ان في المنطقة الواحدة اللي بيتخز - [00:54:34](#)

القرار مدير المسجد او ادارة المسجد. تلاقي المسجد ده مسجد الفاروق عمر يقول احنا هنمشي على رؤية السعودية ومسجد الصديق ابو بكر يقول لأ احنا هنمشي على رؤية آ اي بلد تظهر فيها الهلال - [00:54:51](#)

ومسجد ذو النورين عثمان شف بقى خلوا ايه ابو بكر وعمر وعثمان مساجد جوة البلد شوارع يعني تمشي من خمس دقائق وتلاقي وانا شخصيا في بلد من البلاد دي خطبت العيد ثلاث مرات - [00:55:09](#)

مرة يوم الاثنين ومرة الثلاثاء ومرة الاربع لان الدنيا ماشية كده. اهو عندهم ناس لا يطبقون ناس احناف وناس كزا فاذا الفكرة في السلطة اصحاب السلطة ولو على المساجد في الغرب هم يتقون الله عز وجل في ان يوحدوا بين المسلمين. طب تعذر يقول لك طب انا اعمل ايه - [00:55:24](#)

هعمل ايه؟ اذا كان الخليج وليبيا مختلفين في الرؤية. اذا كانت عمان والاردن مختلفين. انا باكملك لما نيحي نتكلم عن وحدة المسلمين نقول الوحدة هنا بعدين هنا وبعدين فلما الاقي البلد الواحدة هتختلف فكذلك المشكلة في الربا ايها الاخوة هي مشكلة سلطة آآ - [00:55:47](#)

قد تتدخلوا في الفتوى آآ فتفسدها. واسأل الله عز وجل لي ولكم الرشاد. وعلى فكرة هي شبهة قديمة. يعني الكفرة زمان قالوا للانبياء قال له انت مالك ومال الفلوس؟ ايه الربا والبنوك وبتتكلموا في الاقتصاد - [00:56:07](#)

والمضاربة والمشاركة والمرابحة وقاعدتين تتكلموا عن النجش وتتكلموا عن ايه ده ايه ده! انتم ما لكم ومال الكلام ده! انت راجل بتاع وضوء وصلاة وكده! فالله قال ان الكافرين قالوا للانبياء كده. قالوا له اصلاتك - [00:56:23](#)

صلاتك دي بتاعة سبحان الله والحمد لله ولا اله الا الله. اصلاتك تأمرك ان تترك ما يعبد اباؤنا او ان نفعل في اموالنا ما نشاء احنا حرين فلوسنا نعمل فيها اللي احنا عايشينه. مال الصلاة ومال ده - [00:56:38](#)

فاهميني انما لأ ده الله تعالى شرعه آآ شمل هذه النقاط جميعا ايها الاخوة هناك ايضا الحقيقة وانا عندي بعد ذلك اسئلة مكتوبة.

هحاول بقدر المستطاع اني الحق اخدها قبل ما نخلص. لكن عندي رسالتان - [00:56:55](#)

ايضا في منتهى الاهمية آآ والحقيقة ان انا هجاوب عليهم او عنهم بصورة بصورة اللي هي ايه؟ الاجابة بدون سؤال يعني مش هذكر السؤال هذكر الاجابة يا جماعة بر الوالدين ده - [00:57:16](#)

لا علاقة له بان الوالدين غلطانين ولا ولا الوالدين صح بالعكس ده اهمية البر للوالدة وللوالد تتعاطم بتكبر اهمية البر وفرضيته كل ما خطأهم يكبر كل ما يكبر سنهم كل ما عقلهم يضعف - [00:57:35](#)

كل ما يخطئوا كل ليه لان انت والدك لما كان سنه اربعين سنة ولا خمسة واربعين سنة ولسه في فتوته والله تعالى يقول حتى اذا بلغ اشده وبلغ اربعين سنة. لسه قدرته العقلية وقدرته - [00:58:02](#)

جسدية وما ولسه عنده امكانية انه يغير بعض الامور ويعرف الصح من الغلط. المسألة ساعتها كان الاب مش محتاج البر منه الاحتياج الضخم اللي زي لما اصبح سنه تمانين سنة وتحجر عقله واعصابه واتشدت. طبعا لا اقصد انه اللي عنده تمانين سنة متحجر العقد -

[00:58:18](#)

انما عايز اقول ان اللي بيكبر بينطبع على شيه خلاص انطبع ده وراه تمانين سنة فاتوا. وفاضل له ما يعرفش قد ايه الله اعلم ولا سنة ولا سنتين ولا عشرة ولا واذا كبر ومن نعمة ننكسه في الخلق. فده محتاج البر اكثر - [00:58:38](#)

محتاج يبقى عنده حرية انه يغضب الله! ده غلطان جدا! غضبان من ايه! ما ده شيه طبيعي يا يا والدي! اه طب ما هو لانه غضبان لانه كبير مش لانه غلطان. انت تبره - [00:58:58](#)

لكبره لا لغلطه او لا لصوابه. يعني مش لانه صح بتبرك. ولما يغلط تصحح له بقى وتأدبه. لأ ان تتبره لضعفه. تبره لسنه تبره لشيخوخته. تبره رحمة به يا اخي - [00:59:10](#)

ودي الفكرة الاساسية. الفكرة الاساسية في الوالدين ليست ان هم غلط ولا صح. الفكرة الاساسية ان دول ناس ربنا خلى العاطفة عندهم مجندة لك عشرات السنين ففضلت عاطفتهم اسيرة عندك بتاعتك. انت بالنسبة لهم الاهم - [00:59:30](#)

ودي مشكلة كبيرة جدا ان الاب ده والام فضلت العاطفة والمشاعر الخاصة بهم اسيرة لصالحك انت عندك انت تاكل انت مش مهم هم ياكلوا عندهم. المهم انت ترتاح وتنام مش مهم. المهم كذا العاطفة الاسيرة دي قعدت سنة - [00:59:53](#)

لأ ده فضلت عمر طويل. فلما بييجي بعد العمر الطويل حتى لو غلطوا تجازي عاطفتهم التي ظلت اسيرة عندك واسيرة عند مصلحتك انت تجازيها بالقسوة مهما كان خطأهم هذا ليس مبرر ولا مغتفرا. ابدا مهما كانت الظروف. ولذلك يعني - [01:00:14](#)

كنت اعرف اما كانت تهين تهين. انا على فكرة انا لما اتكلم عن الكبار لأ ده انا ازعق لهم انا ما انا ابقى هنا بتكلم وعظ لكن انا يعني ازعقلهم بمعنى ان انا هعرفهم ايه الغلط اللي بيعملوه لازم ما يتركوش لغضبهم ان يستشري تحت تأثير هذا الكلام مش شايف -

[01:00:39](#)

يا ابني شايف يا بنتي لأ أنت اصلح نفسك أنت نفسك هذه الذنوب عندك وبقدر استطاعتك عن ان تحجمها أنت مكلف يوم القيامة أنت
مسئول يوم القيامة أنت مكلف في الدنيا ومسئول يوم القيامة. لكن انا بكلم الابناء - [01:00:59](#)

وبقول لهم انه الاب والام في هذه الحالة محتاجين منك يعني هذه الرقة وهذه المودة لانه ما هم فيه من آآ وبالعكس انا احب ان اقول
للاب يعني بمناسبة انه مكلف في الدنيا ومسئول - [01:01:17](#)

يوم القيامة احب اقول له ان الله عز وجل سبحانه الله آآ شرع لك انت ايها الاب وايها الام ايضا قول النبي عليه الصلاة والسلام آآ رحم
الله والدا الاب اعان ولده على بره - [01:01:37](#)

تعين ابنك على انه يبورك تعين يعني الام اللي لما ابنها راجع من برة تعبان وهايج التعب والعرق ومشاكل تسوق له المشكلات في هذا
الوقت لم تعنه على البر ده مش كلام للابن ما حدش ياخذ الكلام ده يقول لها شايفة يا امي ولا يقول للاب شايفة يا ابويا ده عقوق في
حد ذاته. ده يتعلمه الاب والام لكن انت لا عذر لك - [01:01:56](#)

تبرأ ابك وامك مهما كانت الظروف ودايما عايز اقول لما اقول حاجة مش ياخذها الطرف اللي هو غير مخاطب بها ينقرز بها الطرف
المخاطب لأ نأخذ لتتعظ وهكذا فنسأل الله عز وجل انه يبارك لنا يا رب العالمين وانه نستطيع ان نأخذ من مما يعني من الدين موعظة
الله عز - [01:02:23](#)

فجر موعظة الله عز وجل لنا. ايها الاخوة الكلمة الاخيرة ايضا في هذه الرسائل قبل ان ادخل في الاسئلة المفردة. وجزامك الله خيرا
على الاسئلة الكثيرة اللي آآ احنا بقى لنا اسبوع واحد ومع ذلك الاخوة انما - [01:02:47](#)

مش هنعرف ناخذ اتصالات النهاردة يا استاز حمدي معلش انه خلاص الوقت هيبقى بسيط فانا اسف يا اخواني الكرام اسف جدا لكن
آآ انا عايز برضو اللقاء يكون ان شاء الله يعني آآ - [01:03:06](#)

يعني آآ بقدر المستطاع نحاول نتكامل في قضية التربية الاسلامية وعلشان واجابات الناس على مشاكلهم عشان يبقى فيه فائدة انما
طبعنا انا والله انا شخصيا لو تركت نفسي للميل ميلي انا. انا احب اتكلم مع الاخوة الكرام واسمع - [01:03:21](#)

وان شاء الله ده يكون بازن الله تعالى على الاقل مرة او مرتين في كل شهر نحاول ناخذ يعني يمكن يوم الاثنين اللي جاي بازن الله
تعالى انا واخذ بالي بس عندي عندنا الاستاز حمدي بيحب الجمهور اوي قاعد كل شوية يقول لي يعني بما يجعلني اخذ اسئلة شفوية
يعني عندنا - [01:03:42](#)

فعلا لسه تلت ساعة بس عندنا اسئلة كتير قوي جابوها لي الجماعة بتوع اللي عند حضرتك بتوع الاس ام اس. فربنا يسهل. على كل
حال نحاول برضو ناخذ بعض انما بس انا لي اخوة تعليق في رسالة اخيرة - [01:04:03](#)

عن اه المشكلات الزوجية. الجواز في اوله الازواج اللي بدري اللي متجوزين جديد الحقيقة مشكلة الزوج الصغير مشكلة كبيرة جدا
مشكلة الزوج اللي هو لسة شاب صغير او ما لهاش دعوة حتى بالسن هو حس انه صغير في نفسه - [01:04:19](#)

ثم اصبح واليا على البيت اصبحت له الولاية واخدين بالكم؟ يعني هو صغير ولد كده لطيف بيجري ويطلع وينزل ويلعب وكان مع
ابوه وامه ولقوا تصرفه في البيت محدود وبعدين اصبح - [01:04:46](#)

فجأة بيقول له لو كنت امرا احدا بالسجود لاحد لامرت الزوجة ان تسجد لزوجها. فالراجل يعني ايه حاسس بانه فتبص تلاقيه يتحكم
تحكمات او بلاش اقول يتحكم تحكمات عايز اقول ان هو بييجي على امور لا تستحق - [01:05:02](#)

ويعتبرها امور كبيرة آآ فيقول وهذا من الرسائل التي جاءت قد يقول لزوجته ازا وقفتي تبقي طالق. ازا قعدتي تكوني طالق ازا
شربت ازا انت دخلت المطبخ ازا فتحت التلاجة ازا اهدى - [01:05:22](#)

ليه هو عايز او متصور وهذا من تفاهة طبعنا انا عشان لا اجيب عن شخص معين انما هذا الحقيقة من تفاهة الفعل يعني. عايز يضبط
ومتصور انه بالة التحكم المسماة افرنجيا الريموت كتنترول متصور انه بالريموت كتنترول عايز يزيبط - [01:05:40](#)

بيقول لها قومي مش انا مش انا بقى زوج قومي افعدني ادخلي اخرجي اشربي كلي نامي اصحي لأ لا وانما عليه ان يتلطف لان
الزوجية على فكرة الزوجية ليست الحقوق ممكن الزوجة تقول له انا ما علياش انضف وما علياش اطبخ وما علياش ارضع وما

علياش افعل كذا - 01:06:05

انما خير النساء التي تخدم بيتها وزوجها وانتم تعرفون نبأ بنات النبي مع ازواجهن مع ازواجهن الفكرة مش في الحقوق. الفكرة ان الحياة الزوجية مبنية على المكارمة على المكارمة. ولذلك مثلا على سبيل المثال جايز يكون الزوج مش مكلف يجيب لزوجته مانجة في موسم المنجة وبرقوق في - 01:06:32

موسم البرقوق وبطيخ في موسم مش لازم ياكل له لحمه خالص اطلاقا ممكن ما يكلوش لحمه ابدا وحرين هو حر مش صاحب ولاية على البيت فلو انه مشي بالحق بالحقوق فقط يقول لها مش هتاكلي لحمه خالص. وهي تقول له انا مش هطبخ خالص. خلاص حلو قوي. يبقى لا هو يجيب لحمه ابدا ولا - 01:06:58

هي تطبخ ابدا وادي ده ده بقى فقه الايه؟ فقه الطلاق مش فقه الزواج ده طريق الفراق مش طريق الزواج انما طريق الزواج انه مما ورد ان النبي صلى الله عليه وسلم بعد مشكلته المشهورة - 01:07:19

او استغفر الله لهذا التجاوز بعد المشهورة بين عائشة وبينه صلى الله عليه وسلم انه لما ابو بكر حاول ان يضرب عائشة صرف ابا بكر وصرف زوجته اللي هي ام عائشة اسمها ام رومان قال لهم خلاص امشوا احنا اصطالحنا وارسل ارسل - 01:07:35

رجلا يشتري له حلوى وفواكه من السوق ليقضي ليلة يؤنس فيها زوجته ويصالحها وتصالحه قال اذهب فقد اصطالحنا اذهب يا ابا بكر فقد اصطالحنا. فانا عايز اقول وبصرف النزر عن تفاصيل القصة والرواية وما الى ذلك. انما كمبدأ عام - 01:07:55

الحياة الزوجية تقوم على رعاية الامين بقى الا لما يوصل الموضوع اقتحام المبدأ انه لا انت بتتكلم انت ما لكش علي كلام هنخرج وادخل زي ما انا عايز اذا كان الفكرة في تغيير القانون هي دي اللي القرآن بيقول عليها والتي تخافون نشوزهن - 01:08:15

يعني انها وصلت لدرجة انها بتخرج عن القاعدة كلية حتى قول الله تعالى يأتينا بفاحشة مبينة لها تفسير مسلا انها قلبت خلاص مقاييس الحياة بتخرج خلاص من غير زوج من غير اذن انما - 01:08:39

مش مسألة انه يتحول الزوج الى كائن تافه وهايف يبجي في الهايفة ويتصدر زي ما بيقولوا يقول لها التليفون والباب والاكل لا لذلك انا ما لماذا قلت هذا؟ اقول للازواج الصغار وخصوصا دي مشكلات الزواج في السنة الاولى هقول لكم - 01:08:57

قم هونا ما هونوا على انفسكم. حاولوا تكونوا كبارا في انكم تصلحون بين زوجتكم وبين اهلها اه وان تجعلوا اهل يحبون المجيء الى بيتكم وان اردتم التنظيم ما فيش مانع انما خلوا بيوتكم رحبة. يا الف مرحبا. يعني من الرحابة يا الف مرحبا اهلا وسهلا -

01:09:17

يحب بيته انظر الى النبي عليه الصلاة والسلام وهو يخاطب زوج ابنته زوج بنت عثمان تزوج ام كلثوم ماتت فتزوج رقية. او العكس فلما ماتت رقية الثانية لما ماتت ام كلثوم الثانية - 01:09:43

قال له والله يا عثمان لو كان عندنا الثالثة لزوجناكها. يا سلام! احنا استمتعنا قوي بمصاهرتك وبانك جوز بنت يا عثمان لو كان عندي بنت تالته كنت اتجوزتها لك. عشان افضل مستمتع بهذا الخلق الرضي الطيب الذي انت فيه - 01:10:04

شايف فانا عايز اقول للزوج حط في الحصالة حط في الخزنة خلق طيب مع زوجتك حتى تستمر على هذا الحال. ولا ترى في نفسك انك في السنة الاولى لازم تمارس بعنجهية وللازم تفرض المش عارف ايه. لابد من القواعد ان تنضبط وما ينفعش البيوت تمشي -

01:10:25

بدون قواعد ولكن في ذات الوقت اياك ان تكون قاسيا غليظا والا يعني ستنكسر الحيوانات وستنكسر بيوت المسلمين علينا ان نعرف الفقه بين اني ان شاء الله مستمر في ضبط بيتي ولكن برحمة - 01:10:45

وبتفهيم ولا شك ان الزوجة مطالبة ان تعين زوجها على هذا بان بان تخفض له جناح طاعة وجناح الالتزام وان تعلم انه صاحب الامر آآ وصاحب القوامه وانها مكلفة بطاعته وانها - 01:11:05

كذا واو وانا زي دايمنا كنت بقول ما فيش زوجة فلحت يعني في في حتى في الاساطير الا شهرزاد مع شهريار وان كان قد تستغربون هذا من شخص يعني يتكلم في الدعوة لكن دي حقيقة انها خدرت اعصاب الجبار المتصدق - 01:11:25

خدرته بالحكايات والقصص وبالمكان المهيأ المتعة وبالضحكة حيناً خدر فجعلته جعلت هذا الوحش الهائج والثورة المائج وجعلت آآ يعني جعلته آآ كائناً لطيفاً حتى إذا ما تسللت الى مشاعره فتعلق بها زالت المصيبة التي كانت متمثلة في اعدام النساء - [01:11:45](#)

فيعني آآ اقول للزوجة بصفة عامة احسني التقاظ هذا الخيط وان تعيني زوجك على ان آآ يعني يتلطف معك لكن ليس لك عذر الرجولة الرجولة شئ كبير. الرجولة رحمة. الرجولة آآ يعني محاولة والرجولة - [01:12:15](#)

على فكرة نقطة مهمة جدا عفو ومغفرة وعفو ومغفرة. الرسول عليه الصلاة والسلام لقي يا خبر ابيض الرسول وجد في بيته مؤامرة زوجتين وعاملين مؤامرة عليه مؤامرة مؤامرة قاعدين ايه رأيك لا اسمعي - [01:12:35](#)

لما يدخل عندك ده بيتكلموا عن الرسول لما يدخل عندك ويجي يقترب منك قولي له ايه ده يا ساتر يا رب اعوز بالله ايه ايه ما هذه رائحة آآ التي تفوح من من آآ من آآ من فمك. طبعاً آآ كويس؟ ايه في ايه؟ رائحة سيئة رائحة - [01:12:54](#)

منتنة يا ولا رائحة. يعني هم يقولوا له كده وما فيش حاجة والنبي عليه الصلاة والسلام كان يكره تماماً اي رائحة لا تكون طيبة. انتم عارفين انه كان يعني يحب العطر ويحب السواك ويحب فكان يكره - [01:13:16](#)

ده مش كذب بس ولا افترا بس ولا نسيمة بس ده مليون حاجة فاذا خرج من عندها ودخل عند الزوجة الاخرى. المؤامرة ايه؟ ان انت تبقي عملي نفس الحكاية. فلما دخل عند الثانية قالت له يا ستير يا رب ما هذا - [01:13:32](#)

ايه ده ايه ده رائحة سيئة جدا انت قلت ايه؟ ما كلتش كلت عسل. اه عسل يبقى العسل اللي انت كلته عند فلانة دي الدرة بتاعتهم كما نقول اليوم يبقى - [01:13:49](#)

اسهل النحلة بتاعته النحلة اللي وضعت العسل كانت استنشقت رحيق زهرة من نبات اسمه مغاير فرائحته سيئة فانعكست على العسل. فشربته فصارت الرائحة هكذا فتأذيت. فاذا بالنبي عليه الصلاة والسلام يحرم - [01:14:05](#)

وعلى نفسه العسل مؤامرة غير عادية مؤامرة غير عادية. وفي حالة تانية وتالته انما شف بقى انا اذكر هذه القصة عشان اقول ان الله تعالى قال واذا امر النبي الى بعض ازواجه حديثاً - [01:14:25](#)

قال لها سر فلما افشت السر نبات به واعلمه الله واظهره الله عليه عرفه بانها افشت السر لم يذهب اليها ليصاومها ويواجهها ويحاسبها ويعتصرها ويسوق الادلة كأنه نيابة تحقق مع متهم - [01:14:45](#)

انما عرف بعضه واعرض عن بعض. قال لها مالم يعرفها انه عرف انها افشت السر. لكنه لم يعرفها يا سلام عرف بعضه واعرض عن بعض جمال فيقع جلال الزوج في نفس الزوجة - [01:15:07](#)

عمل نفسه ما سمعش. ولا يزال التغافل من شيم الكرام. والشعر يقول بيتنا من الشعر معناه ليس اه انه لا يسود قومه الغافل ليس ليس الغبي بسيد في قومه. لكن سيد قومه المتغابي - [01:15:28](#)

يعني عامل نفسه مش واخذ باله من بعض الحاجات علشان تعدي وعشان يقدر يهتم بالاهم وهكذا فاقول للزوج الجديد ده اقول له اعمل معروف بتبوزه الدنيا ان رجولتك لم تكتمل عن طريق انها لا تزال واقفة عند التفاهات والرجو - [01:15:48](#)

رجولة الحق عفو وصفح ومعالجة وتلطف. واحسنوا في البيوت التي ولاكم الله عليها. هل عسيتم ان توليتم ان تفسدوا في الارض وتقطعوا ارحامكم. فاتقوا الله والا يسلط ربنا على الحاكم الظالم اللي في البيت - [01:16:08](#)

الصغير ده حاكم زالم اكثر منه في شغله في بلده في اي مكان فاتقوا الله مش ناقصين يعني. آآ اسئلة بقى سريعة جدا ومعدرة للاتصالات هذا الاسبوع اه انا هاخذ بعض الاسئلة التي تصلح ان تجاب في دقائق معدودات - [01:16:28](#)

اه اه سيدة متزوجة وقعت في فاحشة فاحشة الزنا واه واه وقد ثابت وعندها طفلة لا يجوز طبعاً ان تلحق طفلتها ان كانت من غير الزوج ان تلحق الطفلة بغير ابيها - [01:16:49](#)

لا يجوز هذا. وآآ يعني ارجو ان لكي تعلم لان هذا مما لا يجاب بصفة عامة لان هذه من الفواحش الاخص التي يصح ان يكون الاجابة فيها خاصة باصحابها ان تتوجه الى جهة الافتاء في المكان التي - [01:17:09](#)

وسيدلونها ان شاء الله على ما تفعله في هذا الامر باذن الله تبارك وتعالى. اود ان اعرف حكم الطلقة الثالثة مع العلم ان الزوجة كانت

حائض. الطلاق الله تعالى قال ولا تجعلوا الله عرضة لاييمانكم. ما ينفعش والذي - [01:17:29](#)

يكتر الحلف بالطلاق حتى لو الحلف بالطلاق لم يقع تسقط مروءته وتسقط عدالته ولا تقبل منه الشهادة في المحكمة فاسقا وتاركا وساقط المروءة وساقط العدالة. ده بس اللي بيقول علي الطلاق كذا او ان فعلت كذا فانت كذا - [01:17:49](#)

فما بالك بقى بطلاق يقع ويقول لك انا طلقت مراتي اربع خمس مرات ونعمل ايه في النقطة الفلانية ويقولوا له طب الاول كزا والثانية كزا. هو السائل واضح انه سأل حد قبلي واجيب بانه بعض المذاهب ترى ان الزوجة اذا كانت حائض وطلقت اثناء الحيض - [01:18:10](#)

فان الطلاق لا يقع ولكن مذهب المذهب الراجح والذي معه الدليل ومذهب جمهور الفقهاء ان من طلق زوجته وهي حائض يقع الطلاق وحرام عليه. يعني حرام عليه انه طلقها وهي حائض. بس يقع الطلاق - [01:18:30](#)

خلاص؟ يقع الطلاق برغم انه طلقها وهي حائض بس يحرم عليه لانه مطلوب منه الا يطلقها الا في طهر لم يجامعها فيه. طيب لكن هو راح وبعض الفقهاء قالوا له معلش احنا هنجيب لك فتوى وفي اصول الفقه انه يجوز الفتوى على الرأي الضعيف ما دام - [01:18:51](#)

له مستنده قال لي كذا ولم يطله كذا فقالوا له هنجاوبك بالشكل ده. هذا الشخص ما ينفعش ياخذ فتواه من التليفزيون اطلاقا ليه؟ لان الفتوى اللي في التليفزيون اقرب الى ذكر الحكم العام. انما انزال الفتوى على الواقع تحتاج ان يقف المفتي - [01:19:15](#)

على الواقع وفي هذه الفوايحش وهي من الفوايحش ايضا التي لها خصوصية وليست فتوى متعلقة بعموم الناس يعني مما لم تعم به البلوى يعني مش شيه منتشر فانه لازم نتأدب مع الفقه نتأدب مع دين الله نتأدب مع الفتوى - [01:19:40](#)

ونقول لبعض الفتاوى لابد ان تكون في خصوصية. انا ما بجاوبش فتاوى بالتليفون فيذهبون الى جهة الفتوى التي اه اه تبع لهم. وعلى فكرة اه اه نمره التليفون انا حاضر هقولها مرة ثانية الاسبوع القادم او اللي بعده ان شاء الله. بس رقم التليفون ده - [01:20:00](#)

وانا بذكره علانية ده للرسائل مش للاسئلة. يعني ما حدش بيعت لي اسئلة ويتصور انني ده للرسائل للتواصل يعني عشان ابقى بتكلم معكم من دردش سوا باسمك باعرف يعني هذا فان شاء الله هاذكره لحضراتكم. ولكن آآ ليس للاسئلة - [01:20:20](#)

آآ السنن القبلية نعم اذا فات وقت السنة القبلية آآ وآآ يعني اقيمت الصلاة يجوز ان تصليها بعد الصلاة حتى يعني كما لو كانت قضاء وحتى لا تسقط اه اه بتقول انا اصوم - [01:20:40](#)

للقضاء وقد نويت صيام يوم واستيقظت عطشانة فافطرت. هل علي شيه؟ ادعو لي بالهداية؟ جزاك الله خيرا. جزاكم الله خيرا. وجزاكم الله الجنة يا رب العالمين شوفي يا اختاه الاصل انه الصائم اولا الله تعالى يقول لا تبطلوا اعمالكم. فليس من السنة ان ينوي

الانسان الصوم ان - [01:21:15](#)

اعزم الصوم ثم يفطر. لكن برغم هذا الحكم الشرعي ان صائم التطوع صائم التطوع امير نفسه يستطيع ان يفطر وان يقضي في مذهب الامام مالك يقضي حتى التطوع يعني واحد صائم صيام تطوع وافطره عليه ان يقضيه لانه عزم على نفسه المسألة. انما

نفترض انه آآ يقضي - [01:21:41](#)

يعني هذا ينسحب ايضا على يوم القضاء. فهي عليها صيام يوم من رمضان. صحيت لقت نفسها النهاردة عطشانة فشربت يعني زي بعضه ليست السنة وانما وان كانت رخصة ومن السنة اتيان الرخص لكن لا تتعودي ان ترتبي على - [01:22:09](#)

نفسك على نفسك العبادة ثم تبطلها انما جائز ولا شيه عليك معنا ثلاث دقائق آآ طيب ضمير يقتلني لاني اذنت اه اه طيب طيب لا ده جاوبه المرة اللي جاية لان دي مسألة في الامور القبلية تاخذ وقت شوية - [01:22:29](#)

آآ ايها احق بالنفقة الزوجة ام الاخت؟ ده سؤال بتاع خناقة ده اتنين اتخانقوا فالراجل يا عيني تمزق بين هذه شوف يا حبيبي لا دي نافعة ولا دي نافعة بالشكل ده - [01:23:02](#)

كل واحدة دول بيتخانقوا خناقة مصالح مش خناقة شرعية لكل منهما عليك حقوق ولو كانت وصل الرحم فقط. فمش معقول توسع مثلا على الزوجة جدا وتضيع الاخت مش مش ده مش مقبول. وليس من المعقول ايضا ان تضيع بيتك من اجل اختك. وانما لابد ان

تعطي كل ذي حق حقه وفي حدود ما قدر عليه - [01:23:23](#)

عليك او ما وسع عليك. والله انت مضيق عليك في الرزق او موسع عليك. انما لا يجوز من اجل خناقة زوجية انك وسع على بيتك تقول لك بيتك واولادك وكذا وتسيب الاخت دي رايحة تشحت لأ ما ينفعش وانما نعم يجوز التضيق على بيت - [01:23:52](#)

الزوجة والابناء اذا احتاج الارحام فالانسان حاصر واسعة الانفاق في بيت نفسه من اجل وصل ارحامهم يجوز هذا. لكن انت هنا بقى مسؤول عن الميزان الا يختل. مش انك تضجر البيت في سبيل التوسيع. يعني فيه واحد وده - [01:24:12](#)

واقعة لا انساه واحد والدته متعودة تصيف في مصيف فاخر جدا فكان يحجز النفقة عن اهل بيته ضيق عليهم ويعيشهم. يعني في طعام بسيط وفي من اجل انه يظل يكفل - [01:24:32](#)

وصيف لاهل ما ما ينفعش ما ينفعش ان تكون البون هكذا وانما يقول يا امي والله يعني ظروفك كذا وفي نفس الوقت يعني مع انه المصيف للام مش حرام ما دام مكان ما فيهوش الموبقات وما تعرفون عن المصايف انما فقط الفكرة - [01:24:49](#)

ومش يضيق على تبقى مراته مش عارفة تاكل ولا اولاده مش عارفين يلبسوا ولا كذا. بيته مش عارف علشان وانما اذا كان عنده فلوس يا سيدي يروح في الصحة ان شاء الله يوديها مصيف ايه؟ انما - [01:25:09](#)

لا يجوز آآ ان يظلم ان يظلم لا يجوز. طيب يا اخوة آآ جزاكم الله خيرا آآ هل يجوز الضوء في الحمام؟ والله اذا غطيت مكان الخلاء غطيته بغطائه او باي غطاء اخر - [01:25:23](#)

فان ذلك يجوز. نعم. واذا لم تغطيه فيجوز ايضا. فيجوز ايضا ولكن دون تحريك اللسان بالذكر. ايها الاخوة شكر الله لكم. وان شاء الله يوم الاثنين القادم اسأل الله يعني اما اني اعرف انما نتواصل سويا ان شاء الله. لا تنسوننا من صالح - [01:25:43](#)

بدعائكم وانتم سجد بين يدي الله عز وجل. لا تنسوننا من صالح دعائكم. اسأل الله عز وجل ان يلطف بي وبكم وان يتقبل منا وان يأخذ بايدينا اليه اخذ الكرام عليه برحمتك يا ارحم الراحمين. والسلام عليكم ورحمة الله وبركاته - [01:26:03](#)

- [01:26:23](#)